


皇朝實錄



四四  
冊十

大清世祖體天隆運英睿欽文大德弘功至仁純孝  
章皇帝寔錄卷之八十三

順治十一年夏四月庚申朔享

太廟遣貝子吳達海行禮 戶科都給事中杜德祐

陳清釐開弊四事一裁吏役一查稅票一闕差迴  
避原籍一批文檢對限期下所司議

辛酉

朝鮮國王李湔遣陪臣朱仁侯等奉表謝恩宴于  
禮部 陞額者庫哈番穆護理為吏部理事官  
先是吏科給事中林起龍以條奏八旗兵事一疏

稱旨令部酌議以示優異部覆准以五品京堂用  
至是起龍具疏控辭請仍辦事垣中隨時敷陳以  
圖報塞詔加五品京堂銜照舊管事

壬戌

遣官祭二寺伯明安 江西巡撫蔡士英奏報偽  
都督曹志攀偽總兵汪文生率賊衆來犯饒州廣  
信二府屬邑臣檄官兵迎剿復遣廣信府通判張  
羽明詣賊巢招撫志攀文生率衆來降下所司察  
叙

癸亥

禮部覆遼陽知府張尚吳疏請于遼陽設一儒學  
其永平寄籍遼陽生仍歸遼學肄業從之

甲子

諭禮部曰歷代以來無命婦更蓄入侍后之例所  
以處上下之體杜絕嫌疑也今蒙

天眷奄有洪基內外倫常首當隆重茲啟

聖母皇太后將隨侍皇后及王貝勒等福金命婦請  
行停止奉

皇太后懿旨這所言甚是隨我命婦我自裁定其皇  
后及王貝勒福金貝子公夫人隨侍命婦俱着停



停止隨侍王貝勒貝子公母福金母夫人命婦各該王貝勒列名具奏候旨入侍大朝日期大臣命婦照例上朝朕欽遵

鑿旨特諭爾部明白傳諭施行 刑科都給事中高辛胤言西安延安交界之區為關中東北咽喉之地者名黃龍山其迤東為神道嶺明季設有防兵虛名無寔所以釀成流寇之患乞勅部詳議良法於神道嶺復設防兵令一廉勇之將常川駐防以肅責成脫其土寇竊發移會廊州防將合剿毋令推諉則土寇剪絕而封疆永固矣下所司議

乙丑

廣東道監察御史羊雲龍上五事一漕白折乾之弊當除一考生色攬之害宜革一生育充當里長宜禁一八旗分房不宜更調一

皇 買賣宜正章下所司

丙寅

以正黃旗烏真超哈固山一等嘏祖澤淳為本固山梅勒章京 吏科都給事中朱薇條奏銓法略云資格宜破舉劾宜公庶可收用人之效下所司議轉吏部右侍郎高珩為本部左侍郎調兵部左



侍郎杜立德為吏部左侍郎管右侍郎事 工科  
給事中張王治言江南鎮江咽喉重地自無建牙  
重臣整飭戰具以致賊兵內犯查旧制設文武搽  
江二員今止存操江臣又駐八百里外鞭長不及  
恐悞事机合請移駐京口專防江海吳淞要地仍  
令蘓州總兵鎮之無事訓練水師有事則飛舸追  
剿賊守既定南北各無推委海氣撲滅可計日待  
矣詔所司速議 戶部言賦役全書闕一代制度  
天下利害查考旧籍貴詳盡無遺創立新規期簡  
明易曉請勅臣部右侍郎將旧全書作速訂正督

率各官照所管者分創造新書仍會同戶科詳加  
磨勘有應增減交通者小則部科酌定大則上疏  
奏請務求官民易曉永遠可行書成進呈

御覽刊發内外衙門頒行天下凡徵收完納解運支  
銷考成蠲免諸法悉擬此書用垂永久報可 陞  
侍讀李士張長庚為內閣史院學士 初吏科給  
事中郭一鶚勅戶部右侍郎王弘祚滋弊業奸壘  
斷市利皆修賦役全書杳無成效總理錢法巧為  
增設鑄爐三百餘座銷筭向餉蒙混開銷宣大裁  
兵銀六万七千餘兩假全書為傳進之門增爐座

為網利之藪借核實為行私之竇小有執巧火濟  
貧竈請戾究重處以示懲戒弘祚上書自頌一鶚  
復劾弘祚巧言飾非蒙蔽殊甚下所司察議坐弘  
祚失叅各省遲造全書各官罰俸從之 夜月生  
暈

己巳

諸王貝勒及廷臣鞫問大學士陳名夏子掖目倚  
父勢行諸不法事得狀掖目坐棄市得旨陳名夏  
已正法不忍又戮其子着免死決杖遣戍盛京

庚午

四川巡撫李國英奏報偽都督魏勇率賊中來犯  
順慶臣同川北總兵盧光祖遣付將霍光先擊敗  
斬獲甚多下所司察叙

壬申辰刻地震

遣官祭故二寺阿達哈二番阿哈碩塞 江寧巡  
撫周固佐奏報吳淞付將趙光祖遊擊李廷棟等  
擊敗海寇張名震于崇明南沙嘴壽興沙寺處焚  
獲賊船甚多下所司察叙

癸酉

諭都察院科道等官曰朕覽近日言官糾叅章疏



都牽連陳名夏或曰名夏親戚或曰名夏黨與似此紛紛牽朝几無善類矣爾等言官既有真見何不言于名夏未發覺之前乃曰其已經正法輒吹求無已成何政体殊非朕虚心求言之意以後論人論事只許指實直言不許再借陳名夏親戚党与進奏如有違犯的定行重治不饒免陝西洛南縣十年分水灾額賦三分之一初都察院左都御史林德馨劾提督順天等處李政程芳朝趙附陳名夏权势投認師生考試幾輔生童冒濫多獎是至芳朝上書自訟得免議 礼科右給事中

王廷諫言帝王御宇莫不宣明訓迪知人、為善之利為不善之害斯不煩刑誅而行化俗美可以馴致盖刑法禁於已然之後而教諭安弭于未然之前也乞教法司衙門倣古大誥之制將國家用刑事件擇其重大者編集成書頒告天下廣為傳誦則人、知洗心滌慮而自干斧鉞者或寡矣抑獄者天下之大命廷獄者天下之平今差委恤刑即以天下之命托之矣須擇廉明素著諳、吉人以膺厥任務期明允鞠訊確慎矜宥毋苟且塞責任意市恩庶刑期無刑唐虞成周之治可再見也



上是其言

甲戌

吏科右給事中王損言成均為四方之所觀型自古開創之主莫不加息立法實收得人能效史編所載指不勝屈前札臣條議各直省考取才德之士用充國李臣竊以國家育才辟雍與其取之選貢不如取之副榜目今秋闈在即宜預勅典試諸臣允取副榜不拘房分但以文理優長不能盡收者為主仍將原卷解部磨勘本主起送入監與貢生一例撥班教習則積李之士不致壅於

上聞而首善之地立見濟之盛矣章下所司以

甲喇章京佟學文為都督余事充鎮守宣府等處  
總兵官崔世祿都督余事充鎮真定總兵官平陽  
府副將臧延齡為署都督余事充鎮守山東沂州  
總兵官 陞通政使司左叅議高景為太常寺少  
卿光祿寺少卿張中元為太僕寺少卿 起前太  
僕寺少卿曹溶補原職 陞浙江金衢道叅政馮  
如京為江南布政使司布政使河南汝南道叅政  
為廣西布政使司右布政使河南道付使許文秀  
為廣西布政使司叅政分守桂平道河北道副使

武光祖為廣西布政使司叅政蒼梧道廣東海北  
道叅議陳嘉善為山東按察司付使分巡青州兵  
備道嶺西道叅議周公弼為陝西按察司付使肅  
州兵備道河南大梁道叅議張茂勳為陝西按察  
使司付使固原兵備道兵部郎中楊源澄為廣東  
按察司僉事屯田鹽法水利道湖廣襄陽府知府  
萬如錫為河東陝西鹽運使司運使 補原任四  
川松潘道僉事李士邠為江南按察司僉事淮海  
兵備道降補原任浙江溫處道叅議呂陽為湖廣  
按察司僉事下江防兵備道 外轉編修高光夔

為廣東布政使司叅議督糧道

丙子

孝端文皇后忌辰遣官祭

昭陵 浙閩總督劉清孫密陳閩海善後事宜畧云

鄭成功雖歛跡投誠尚未奉詔薙髮其附從屠掠  
漸及省會沿海假冒窺我江潮當亟勅成功分別  
真偽立行剪除至于漳泉止設水陸官兵原無遊  
擊名色其撥給額餉與經制官兵俱作何着落乞  
勅該督撫從長商酌安置停妥下所司確議

丁丑



加巡撫廣西右僉都御史陳惟新兵部右侍郎分  
巡抑賓道叅議袁大受柳州府知府姚廷著各一  
級以擊敗逆賊李定國功也 轉吏科右給事中  
王損為吏科左給事中禮科右給事中王廷諫為  
戶科左給事中戶科右給事中趙進美為禮科左  
給事中共科右給事中李實秀為刑科左給事中  
工科右給事中許作梅為工科左給事中 初江  
西道監察御史楊義勅告病在籍吏部左侍郎孫  
承澤素依附陳名夏表裏為奸積罪多忝承澤上  
書自訟至是部震令承澤休致從之 浙江巡撫

蕭起元坐鞠審史儒綱贓案稽延降一級調外用  
賞琉球國中山王世子尚質及其妃彩緞紵絲  
織錦紗羅等物來使馬忠毅蔡祚降等緞疋銀兩  
等物有差

戊寅

陞太常寺卿張基遠為兵部右侍郎 刑部言旧  
例各國山滿洲蒙古烏真起哈武職官負犯罪刑  
部竟行審理今議將罪犯重大者先送兵部議準  
後方下臣部究擬至緣事應贖身者免其贖身名  
色照漢官例改為罰俸一年以全体統勵名節報



可

己卯

上幸南苑見京城郊外農民耕芸不輟  
聖心豫悅顧謂侍臣曰去年旱澇為災小民甚苦今  
如此辛勤待秋成後獲享有年之樂矣命內大臣  
巴哈大孝士額色赫精奇尼哈賴達庫孝士白色  
純等賞農民一百八人餘人銀八十兩

庚辰

日生暈黃白色

壬午

酉刻雨雹大如榛栗

癸未

命內翰林弘文院編修李昌垣兵科左給事中劉  
捷為福建鄉試主考官戶部主事李宗孔工部主  
事蔡瓊枝為四川鄉試主考官部兵郎中張夙抱  
大理寺右評事顧贄為廣東鄉試主考官 以阿  
達哈、苗揚天祥為吏部理事官 陞陝西關西  
道叅政陳陪 為山東按察使江南江寧道叅政  
張爾素為陝西按察司按察使山東水利道副使  
王第魁為廣東按察司按察使直隸井陘道副使

張尚為山西按察司按察使河南汝南道付使管  
起鳳為湖廣按察司按察使福建驛傳道副使秦  
嘉兆為江西按察司按察使而浙運使崔源為河  
南布政使司叅政分守河南道長芦運使徐來麟  
為浙江布政使司叅政分守金衢道陝西關南道  
副使高士俊為河南布政使司叅政分守大梁道  
靖遠道付使棲希吳為河南布政使司叅政汝南  
道榆林東踞道付使李吳為廣東布政使司叅議  
分守海北道刑部郎中張藩為河南布政使司叅  
議分守河北道降補江南原任池太道副使吳崇

宗為浙江布政使司叅議督糧道

乙酉

免湖廣保康竹山竹谿房縣十年分寇荒額賦

丙戌

命江寧昂邦章京管效忠移駐鎮江蘓州提督總  
兵官張天祿移鎮吳淞總兵官王燝移鎮劉河從  
憲臣王永吉請也 吏科給事中林起龍言州縣  
有司致貪之由有三一曰日用之之累二曰事奉  
上官之累三曰應承上司之累乞

天語嚴飭痛均前非格盡職掌則大法小廉太平可



致又言巡方天子耳目之官內宣朝廷德意外察  
督撫矣否上考百官善心下問萬民疾苦以及封  
疆安危兵馬強弱錢糧虛實刑名直枉無不監察  
所關至重乞速選新舊廉能大臣蚤為巡行凡地  
方真情形真利病加意体察虛心咨訪一破從前  
陋習則利興害除而德澤安下究矣俱下所司察  
議

丁亥

定給諸王世子貝勒貝子公侯伯及內外大臣建  
造坎房碑亭銀兩則例和碩親王八千兩世子六

千兩五百多羅郡王五千兩多羅貝勒三千兩固  
山貝子一千七百兩鎮國公輔國公俱九百五十  
兩鎮國將軍四百兩公侯伯俱四百五十兩精奇  
尼哈番內大臣固山額真大孛士尚書鎮守外省  
昂邦章京俱四百兩以都察院左都御史王永  
吉為內秘書院大學士擢大理寺丞秦世損  
為都察院右僉都御史巡撫浙江提督軍務以  
鑲黃旗烏真超哈固山阿思哈、苗盧崇峻為甲  
喇章京

戊子



江南海賊偽將徐可進朱元等降

己丑己刻日生暈

五月庚寅朔

辛丑

予巡撫河南都察院右副都御史雷具祭一壇  
予固山額真左邊唐祭一壇立碑

壬辰

上還宮 聘科爾沁國鎮國公綽爾濟女為妃遣鎮  
國公巴布泰內大臣公熬拜巴圖魯禮部侍郎烏  
赫理藩院侍郎沙績達喇等注行聘札駝廬甲玲

瓏鞍馬五匹緞五十疋青布百疋金茶筒一銀盆  
一設宴用牛九頭羊七十二隻 山東觀城館陶

范立武城長清等三十州縣水 冊贈

皇太后父寨桑為和碩忠親王母為賢妃遣官致祭  
冊文曰錫土建邦必視功以崇報展親布澤咸推  
本以加恩成憲具在世以為重外大父寨桑爾乃  
嫩科爾沁貝勒為我

聖母昭聖慈壽恭簡皇太后之父本以勲親世守忠  
慈既効力於

先皇固守我邊圉之地矧誕育乎

聖母肇開我久遠之祥勉篤忠清罔渝終始詎應夫  
婦並加稱號以示顯揚人云云益深悼念茲特  
冊贈外大父為和碩忠親王外大母為和碩忠親  
王賢妃嗚呼休祿允錫位踰五等之尊綸誥並頒  
恩被九原之下受茲寵命永裕後人 設督捕司  
獄司置司獄二員 吏部震平西王吳三桂初原  
任四川巡按郝浴飾詞冒功應削職為民太孿士  
馮銓成克鞏呂宮等荐舉不當各奪俸六月  
上以郝浴虛誑冒功馮銓成克鞏呂宮為信任倚毗  
大臣不能糾劾反扶同荐舉顯有情弊令明白回

奏

甲午

端陽節

上召內大臣大學士等乘龍舟遊西苑謂諸臣曰此  
舟已壞今修之則煥然一新大孿士馮銓對曰凡  
政事亦皆如此

皇上一加修治自然更新矣

上領之至北橋登岍幸南臺賜諸臣饌

上曰朕甚憫牛有力耕之勞故不忍食其肉大孿士  
金之後奏曰



皇上恤牛之勞且然况海内百姓乎  
上与諸臣歡宴至暮乃还宮

丙申夏至祀

地於

方澤遣公額尔克岱請行礼

丁酉

遼陽知縣陳達德歿其部民趙廉靜等求以達德  
子瞻遠继父官盛京昂邦章京葉克舒為請于部  
以遼陽初設陳達德首招中出關俾為县令今歿  
而百姓願其子必其子同有招徠之勞故樂與共

事議如其請從之

戊戌

禮部議定南武土王孔有德並其母灵柩發自廣  
西歸葬東京喪車至日應遣内大臣礼部官各一  
員迎奠并令和碩親王以下梅勒章京以上各官  
往迎仍遣官如例致祭王靈柩東京時仍令諸王  
大臣會送給銀四千兩造坟工部立碑從之

己亥

郊刻大霧四塞色蒼白

庚子

改新陞廣東右布政使李長春為湖廣布政使司  
右布政使管左布政使事從經略洪承疇請也  
贈總督川陝少保兼太子太保兵部尚書孟喬芳  
為太保廕一子入監讀書 以一等嘏胡圖為議  
改大臣 遣官祭乳公阿達哈 二 番喀喇

壬寅遣官祭

關聖帝君 諭吏部曰近來各衙門丁憂給假大  
小官員有限期久滿竟不赴任 意在家逍遙是  
豈人臣致身之義今後凡丁憂服闋給假限滿各  
官俱要如期來京若仍前留戀家園過期不到者

着該督撫即確察不到緣由據實參奏不許隱徇  
爾部炭飭通行仍將現在丁憂給假各官扣筭日  
期已滿的及翰林院給假官雖未定限久不赴京  
者俱着詳察取名來奏 福建提督總兵官揚名  
高奏鄭成功雖就撫而接詔不開衣冠如旧且縱  
兵焚掠優擾延津撫局游移情甚巨測下兵部知  
之

癸卯午刻日生暈

甲辰

免陝西平涼衛十年分水電定傷錢糧 命吏部



貢外郎沈焯戶部貢外郎陸朝瑛為陝西鄉試主  
考官 禮科左給事中趙進美言緝逃四款一逃  
人姓名將滿漢字造成冊籍用印鈐蓋以便稽察  
一逃人無人識認處可以藏身宜照盜賊津刺  
字庶所至難隱一逃後有報信者本主即全赴部  
將報信人口詞存案提到照原詞 審一部院衙  
門皆有註銷督捕宜按季造冊例註銷庶無沉滯  
之弊章入下所司詳議

乙巳

陞山東登萊道副使楊璣為江南布政使司叅政

分守江寧道山西河東道副使胡文葉為陝西布  
政使司叅政分守關西道廣西蒼梧道叅議彭纘  
為河南按察司付使并陞汝南道備道四川西  
道叅議陳安國為山西按察司付使并陞道山西  
河東道叅議炭正短為陝西按察司付使靖遠道  
山東濟南道叅議胡啟圖為本省按察司副使水  
利鹽法兵備道陝西關南道叅議劉景云為本省  
按察司副使分巡關南道湖廣上湖南道叅議崔  
起鵬為福建按察司付使驛傳道福建漳南道叅  
議彭欽為陝西按察使副使分巡榆林東路兵備

道四川馬湖府知府李兆乾為長芦都轉運鹽使  
司運使河東運同王宏猷為兩浙都轉運鹽使司  
運使 先是大孝士馮銓成克鞏呂宮回奏保奉  
巡按郝浴一案有旨切責下議政王大臣等議王  
等眾議郝浴虛誑平西王未効之先馮銓等扶同  
荐奉既効之後回奏又不從實認罪謬以急欲効  
忠為詞巧為遮飾皆應削職為民郝浴冒功誑奏  
應速訊

上曰馮銓任用以來尺寸靡效罪過頗多已經休致  
在籍復念使功不如使過特賜起用仍無補益成

克鞏呂宮俱破格陞擢不思感恩効忠乃將郝浴  
合詞妄荐及回奏又巧為支飾大負委任本應重  
處姑再從寬馮銓着降三級成克鞏呂宮各降二  
級俱照旧辦事今後務各洗心滌慮痛改前非付  
朕屢宥錄用之意郝浴着速訊具奏

丙午

上以原任戶部尚書党崇雅清端老練素所眷倚召  
為內翰林國史院大孝士 陞戶部左侍郎龔鼎  
孳為都察院左都御史

丁未



遣刑部郎中刘玉佩往直隸刘世傑注江南蕭家  
芝注浙江吳穎注四川王注湖廣宣重光注陝西  
霍炳注河南刘芳声注廣東孫胤裕注山西楊兆  
魯注山東大理寺左寺正桑芸注福建右寺正審  
承勳注江西恤刑

庚戌

陞侍讀王鋒為內翰林弘文院侍讀李士 陞吏  
科給事中林起龍為刑科右給事中加大理寺  
丞銜 補原任御史姜圖南為四川道監察御史  
免陝西吳安漢陰平利等州累十年分水灾額

賦 遣官祭梅勒章京噶尔哈 噶甲喇章京阿達  
哈 番法喀

辛亥

金星晝見

壬子

朝鮮國王李滉稱原任議政李敬輿李景奭原任  
判書趙綱等久著忠勤請復任用

上以其迷昧前失朦朧奏請遣尚書巴哈納等齎勅  
察問

癸丑

內大臣伯索尼會同禮部定議

皇后妃嬪和碩親王大福金固倫公主以下輔國公  
以上頂珠服飾等制冠頂金佛簪項圈

皇后用東珠十三

皇兩妃和碩親王大福金固倫公主用東珠十和  
碩親王庶福金及女子大福金和碩公主用東珠  
九：嬪女子庶福金多羅郡王大福金用碩格：  
用東珠八多羅郡庶福金多羅貝勒大福金多羅  
郡王女格：用東珠七多羅貝勒庶福金固山貝  
子大福金多羅貝勒女多羅格：用東珠六固山

貝子庶福金鎮國正妻固山格：用東珠五鎮國  
公庶妻輔國公正妻鎮國女格：用東珠四輔國  
公庶妻女格：用東珠三服色

皇后用鳳皇翟鳥綴珠衣黃綴蟒綴粧綴補子各色  
等綴

皇兩妃和碩親王大福金固倫公主九嬪女子庶  
福金多羅郡王大福金和碩格：用翟鳥蟒綴粧  
綴補子等綴禁用鳳皇綴珠衣黃色秋香色和碩  
親王庶福金及女子大福金和碩公主服色俱視  
和碩大福金例和碩格：并禁用五爪補子滿水



緞多羅郡王庶福金多羅貝勒大福金多羅郡王  
女多羅格：多羅貝勒庶福金固山貝子大福金  
庶福金多羅貝勒女多羅格：正國公正妻庶妻  
固山格：輔國公正妻庶妻鎮國公輔國公女格  
格禁用凡皇翟鳥綴珠衣黃色秋香色四補五爪  
蟒緞滿水緞其餘蟒緞粧緞各色緞和碩親王福  
金以下輔國公女格：以上俱許酌用其馬鞍鞞  
鞞轡及綴鞞响鈴自

皇兩妃和碩親王福金以下輔國公女格：以上  
不許製造五爪龍鳳黃色秋香色其耳環項圈簪

自和碩親王庶福金以下輔國公女格：以上不  
許製造五爪龍鳳其係披領合包繩帶靴底沿条  
鞍鞞鞞及一應等物自

皇兩妃和碩親王福以下輔國公女格：以上俱  
禁用黃絨鑲鎖其不入八分鎮國公妻服色俱從  
其夫庶妻并其女不在此等服色之例其不入額  
內別室居住小福金和碩親王十子多羅郡王  
六多羅貝勒固山貝子五鎮國公輔國公四頂珠  
金佛簪凡皇翟鳥黃色秋香色四補五爪蟒緞滿  
水緞俱不許用其餘各色蟒緞粧緞俱許酌用其

不入額內別室居住小福金等於何年令別室居住即記其氏族姓名年齡一送宗人府一送禮部後生子報名之時即照其姓名註冊議上詔令西妃止禁用黃色秋香色餘俱如議

甲寅

調刑部左侍郎衛周祚為吏部左侍郎管右侍郎事轉戶部右侍郎王弘祚為本部左侍郎陞大理寺卿郝傑為戶部右侍郎

乙卯

以正藍旗烏真超哈固山牛录章京佟國彥佟國

鄉為甲喇章京和碩鄭親王濟爾哈郎等遵旨議奏吏科給事中林超龍請差巡方一疏議每省遣滿漢官各一員

上曰朕念近來吏治弊坏民生困苦故欲特遣滿漢大臣巡察文武貪廉軍民利病復念奉差官員隨帶員役馬騾廩糧草料勢難缺少直省地方頻年水旱供億艱難未免擾累姑暫行停止各該督撫已經考覈者宜倍加砥礪新蒙簡用者務實心料里付朕察吏安民至意如仍日循蒙蔽一經覈發國法具在斷不輕饒初戶科給事中固體觀疏



荐大學士王永吉極稱其賢請以新銜仍管都察院事有旨切責体觀諛諛大臣下部議處部議旒我

上以言官宥之

丙辰

以固山額真揚麒祥為平南將軍駐劄杭州鎮守東南地方

丁巳

諭禮部曰朕恭奉

聖母皇太后慈諭冊立科尔沁固綽爾濟之女為皇

后尔部即選擇吉日開具儀注來奏 陞江西饒

州副將穆生輝為署都督僉事充鄭襄總兵官

議政王等會議郝浴冒功妄奏宜斬詔免死從盛

京

戊午

賜大學士張端修葺房屋銀三百九十兩有奇

工科副理事官祁通格等言漢官文武無定員漢

官或掌相同者品級無異滿洲則授官定品兼論

前程漢官大臣兼加官階滿洲止有本等或銜漢

官有九品止逆滿洲止於七品並無正逆漢官論

降陞遷滿洲或驟躋崇階或數年不轉漢官犯罪  
重者革職輕者降罰滿洲止有革罰而無降處如  
此異制殊非滿漢一体之意乞勅部議衆以勵官  
常下所司議

大清世祖體天降運英睿欽文大德弘功至仁純孝  
章皇帝寔錄卷之八十四

順治十一年六月乙未朔河決大王廟

庚申

諭吏部曰朝廷設官各有職掌一日不可缺人科  
員缺在糾彈任居諫諍豈宜虛曠各科右給事中  
員缺久懸不補是何緣由着吏部吏科官明白回  
奏

辛酉

定南武壯王孔有德與檄還令和碩親王以下阿



思哈：番以上漢尚書以下三品官以上郊迎之  
至諸王各歸第眾官由喪次一宿以故一等阿  
思哈：番博思喜子鄂齊爾為三等阿思哈：番  
折爾門子穆庫理二等阿達哈：番何托巴魯  
子席曷庫額布痕子額爾本三等阿達哈：番拜  
都喇子諾木噉拜他喇布勒哈番兼一拖沙喇哈  
番鄂博諾子騷他塞拜他喇布勒哈番董衍福子  
兄志孝各襲職 陞吏科給事中郭一鶚為吏科  
右給事中戶科給事中周曾癸為禮科右給事中  
禮科給事中李綱為兵科右給事中戶科給事中  
工科右給事中

癸亥

周休現為本科右給事中兵科給事中晉淑執為  
遺禮部侍郎恩國奉賞銀一萬兩賜靖南王孔有  
德女令充目前在京之費有德女跪受訖隨奏曰  
父骸骨原命歸葬東京但兄既陷賊營且又身居  
於此若將父骸送往東京孝思莫展請即于此營  
葬以盡孝道賞銀人還奏命工部即給葬地

甲子郊刻霧色蒼白

詔工部為定南王孔有德造故立碑 草廣東右

布政使胡章賊下刑部究問以其劾奏平靖二王失實故也 皆捕右侍郎魏瑄言窩逃之人審真必須提到家口全族今暑役盛行報病死屍骸暴露臣思窩主之罪原不至死况既已監斃其妻子係寡婦孤兒道路誰與相將即到盛京日誰與瞻養恐死于飢餓者不知其幾也祈

皇上惻然動念凡窩主已死者家口免其流徙田宅免其報部則澤及枯骨矣得旨滿洲家人係將士自祖宗朝血戰所得故窩逃之禁甚嚴近年屢此寬減

至于流徙况逃人多至數万所獲不及十分之一皆捕濟門曾經具奏魏瑄明知何得又具二本更欲減中求減顯見偏私市恩殊為可恨着議政諸王貝勒大臣九卿詹事科道各官会同從重議處具奏 予殉難江南睢寧縣教諭王相台訓導李之實祭一壇

丙寅

陝西：安延安平涼慶陽鞏昌漢中府屬地震傾倒城垣樓堞堤堰廡舍壓死兵民三万一千餘人及牛馬牲畜無算 轉刑部右侍郎李際期為本



部左侍郎陞都察院左副都御史林德馨為刑部  
右侍郎大理寺少卿梁清遠為大理寺卿順天府  
府丞原毓宗為宗人府丞 考選內秘書院中  
書舍人陳加猷湖廣襄陽府推官刘文雋為吏科  
給事中陝西隆德縣知縣郭亮中書科中書舍人  
宋牧民為戶科給事中真隸真定府推官壯燕為  
禮科給事中浙江錢塘縣知縣張文光為兵科給  
事中 正藍旗滿洲固山一寺阿思哈 苗鄂穆  
克魯巴魯魯為本旗梅勒章京錄白旗烏真超哈  
固山理事官孫思克為甲喇章京 贈巡撫河南

右付都御史雷兵為兵部右侍郎廕一子入監讀  
書 贈殉難廣東羅定道參議郭象昂為光祿寺  
少卿廕一子入監讀書 遣官祭定南王孔有德  
殉節福金白氏李氏 酉刻日生西珥色黃白

丁卯

諭兵部曰平南王尚可喜靖南王耿繼茂等統領  
兵馬定廣東時原任總兵官蘇利吳六奇率所部  
官兵迎降授以付將職銜每有効力又於潮州府  
郝尚九作叛時二付將調集本部官兵船隻俱能  
忘身盡職故二王奏請加蘇利吳六奇為總兵隨

佳部議授以總兵官職銜先行給劄後領勅印已  
有諭旨訖朕思蘓利吳六奇先經投誠後復効力  
所授官職不足以償其功宜超陞蘓利為水軍左  
都督統本部官兵駐劄碣石漸防禦海寇吳六奇  
超陞左都督統本部官兵駐劄饒平防禦隣境盜  
賊更換勅印与他 諭宗人府曰朕思習漢書入  
漢俗漸忘我滿洲舊制前宗人府禮部請設立宗  
學令宗室子弟讀書其內曰諭令設立宗學教習  
滿書其願習漢書者各從其便今思既習滿書即  
可將舊譯各漢書觀玩其宗室子弟着永停其習

漢書仍習滿書爾衙門傳示 以固額真朱瑪喇  
為靖南將軍同勳章京敦拜統官兵援剿廣東賜  
之敕曰茲聞逆賊侵犯廣東以爾朱瑪喇為靖南  
將軍全勳章京敦拜統官兵前赴廣東平南王  
尚可喜靖南王耿繼茂總督李率奏必將延擾廣  
東賊寇與二王及督臣李率太計議相機剿除凡  
一應事宜須全勳章京梅勒章京各營將領商議  
而行毋謂自知不听人言毋謂兵強輕視逆寇仍  
戾偵探勿致疎虞抗拒不順者戮之有先被賊脅  
從聞大兵一至即時迎降者赦之如有擒殺賊渠



投誠者俱分別奏聞賞賚總以安民為首務須嚴  
禁兵將凡歸順人民毋得擾害務體朕定亂安民  
至意行間將領功罪察寔紀明類奏有犯小過者  
当即處分至于公得撥什庫十長以下除死罪外  
其餘大小罪過俱與中將商酌徑行處分爾等候  
賊氣既靖地方寧謐方行具奏候旨定奪爾受此  
重任益宜竭忠力勉之欽哉又諭之曰賊款侵犯  
廣東故特遣爾等爾等既至彼境與二總王督李  
率泰計議酌便而行賊若知爾等出師自廣東竄  
入廣西可與二王總督相執酌議若賊入雲貴爾

等可從便宜擇寬濶善地休息兵馬奏聞候旨至  
遇賊對壘時爾固山額真朱瑪喇蘇章京敦拜二  
人可居中調度毋使有失倘遇眾寡不敵須以計  
首防輕謀致敗用全我師我國家自來兵無不勝  
從前失事者尚將議罪若爾等大臣圖維指授各  
營主將悉効忠忱則何至有失也

庚午

和碩鄭親王濟爾哈郎等會議魏瑄身為督捕侍  
郎一年逃人至數萬所獲不及數千今又具疏求  
免流徙且將

息赦不免竄逃大罪与小罪一例照熟審求減欲寬  
逃禁使滿洲人尽數逃走止利其身顯係巧曷滿  
洲應擬絞疏入

上曰王等議的是魏瑄本當重處姑從寬宥着降三  
級調用 轉通政使司右叅議孫建宗為通政使  
司左叅議為福建督糧二道余事却維訥為通政  
使司右叅議陝西道監察御史張璿為大理寺  
丞光祿寺丞程正揆為光祿寺少卿 陞河南  
按察司劉三元為廣東布政使司右布政使江南  
驛傳道叅議蕭应聘為山西按察司副使分巡河

東道湖廣荆西道叅議李崇馥為陝西按察司付  
使驛傳道陝西關內道叅議呂逢春為山東按察  
司付使登萊兵備道刑部郎中畢振姬為山東布  
政使司叅議分巡濟南道補裁缺御史蔡其周為  
山西布政使司叅議口北道吳執中為福建布政  
使司叅議漳南道班璉為山西布政使司叅議八  
府河東道萬全為湖廣布政使司叅議上湖南道  
姜應奎為陝西布政使司叅議分守關南道

辛未

命內翰林弘文院編修熊伯龍工科右給事中許



作梅為浙江鄉試主考官內翰林秘書院侍講卓  
彛吏科給事中郭一鄂為江西鄉試主考官內翰  
林弘文院編修徐致覺禮科左給事中趙進美為  
湖廣鄉試主考官 以故多羅額爾德尼郡王博  
羅忒子襲王爵 以致仕三寺阿達哈、苗巴圖  
子博尔和免襲職

壬申

予故內翰林國史院大孝士張端祭五壇造故安  
葬 先是吏科給事中林起龍劾奏總河楊方興  
悞國殃民工部尚書刘昌庇奸欺君自立供狀以

寔其事下諸王大臣鞠訊詔揚芳與刘昌來京質  
對諸款皆虛有旨林起龍在自立供狀誣人以死虛  
誣妄上殊屬可惡命從重議罪以聞至是和碩鄭  
親王濟尔哈郎等議起龍應杖一百流三千里加  
役三年

上宥起龍罪降三級調用楊方興刘昌令照旧供職  
管銓儀衛事內大臣公道必隆等會同兵部議  
舊會典開載明季錦衣衛衙門設有左右中前後  
五所每所各有銓與寺十司共五十司我  
朝定鼎以來每所止存一司共五司今議每所應

設二司左所銜儀司馴馬司右所擊蓋司弓矢司  
中所旌節司播種司前所扇手司斧鉞司後所戈  
戟司班劔司此十司俱應給印又馴象所設東西  
二司亦應給印其印信俱令滿洲官掌管左所銜  
輿司馴馬司管大輅輦大馬輦小馬輦香步輦涼  
步輦涼輿 所擊蓋司弓矢司管傘大刀撒袋豹  
尾鎗方天戟中所旌節司播種司管播種龍轟小  
旗馬鉞釜前所扇手司斧鉞司管呀柯等扇金器  
椅踏繩刷御伏骨朵篋頭棕荐靜鞭品級山後所  
戈戟司班劔司管星宿轟立瓜卧瓜吾伏旗手衛

原有五所毒所各有十五共五十五今旗手衛設  
左右二司亦給印信其衛司印仍令旗手衛官掌  
管從之

癸酉以冊立

皇后祭告

天地

宗廟遣貝子吳達海尚書車克伯索尼行禮 諭吏  
部曰朕見降調大小官員每多迂延時日不行推  
補今着作速補用不許仍前遲緩

甲戌



冊立科爾沁國鎮國公綽爾濟女博爾濟錦氏為  
皇后冊曰朕惟兩儀作配后德肇於坤承百世延禧  
王化基于內則義偕資始位正安貞咨爾博爾濟  
錦氏乃科爾沁國鎮國公綽爾濟之女川岳鍾祥  
睢麟媿美柔嘉成性允符天倪之禎淑慎為儀式  
兆月恒之慶茲仰承

懿命以冊寶立爾為皇后其尚助隆孝養克叶雍和  
茂衍昌熾于本支共荐馨香於

宗廟欽哉寶文曰皇后之寶

乙亥

諭禮部曰朕惟教國首重乎宜家致治莫先於敦  
本化行自近禮崇所生蓋以達孝忱而慰群望也  
朕以藐躬祇承鴻緒十有一年恒惟

聖母昭聖慈壽恭簡皇太后訓育深恩勢揚罔既茲  
復慎遴淑女作配朕躬瞻此內治之有人益仰  
慈恩之難報宜弘昭顯德丕著彝章加上

徽號曰

昭聖慈壽恭簡安懿皇太后庶日備美之用廣錫類  
之孝爾部即選吉日開具儀法以聞

丙子以

大婚禮成諸王文武郡自上表行慶賀禮賜宴是日頒詔布告天下詔曰帝王膺天顯命洪敷化理必肇自宮壺以達家國訖于万方即躬備令德恒資內助弼成雍穆故慎簡厥始用介有終乃所以承宗廟敦孝恭崇化源茂本支也朕祇續鴻緒篤敬彝倫

聖母昭聖慈壽恭簡皇太后深維內治期遠泚醜以襄朕躬必得賢媛乃止中宮俾儀天下茲欽遵

慈命虔告  
天地

祖宗於順治十一年六月十六日冊立科尔沁國鎮國公綽爾濟之女博爾濟錦氏為皇后惟朕躬暨后克迪厥德邦其永享于休用紹濊我外之其中聖善適睦宮庭乃錫祉于尔多方否協熙治布告天下咸使聞知

丁丑

以阿達哈、番王、楚周為吏部理事官 湖廣安陸、荊州府屬鍾祥、京山、景陵、潛江、荊門、江陵、荊州縣大水

戊寅上



皇太后奏書曰子皇帝臣 謹奏

聖母昭聖慈壽恭簡皇太后陛下鴻禧天錫駿德日  
升且祗佩懿謨丕揚湛惠踰茲十鎰誕暨多方深  
蒙訓育之恩特選肅雍之配好述允協大慶載覃  
爰順群心上加

徽號伏祈垂慈俞鑒俾展微忱澤啟後以光先教自  
蒙而型國且不勝憐之至 諭吏兵二部曰朕  
觀古制有太師太傅太保少師少傅少保及東宮  
三太三少之職自漢唐宋至遼金元相沿不改明  
朝用為文武大臣加銜以示優禮本朝滿洲各官

未用此銜應否增加以備官制着議政王貝勒大  
臣會議具奏 宣大總督馬鳴佩奏報宣大等處  
順治十年分共開墾荒地一千一百九十頃有奇  
厄魯得部落諾穆汗謝賜金冊印及賞賚恩具  
表貢方物

已卯加上

昭聖慈壽恭簡皇太后徽號曰

昭聖慈壽恭簡皇太后恭進冊寶冊文曰子皇帝

臣 謹稽首上言恩深顧復隆聖善之徽音德懋  
安貞協尊親之大典喜諧宮壺慶溢庭闈欽惟

聖母昭聖慈壽恭簡皇太后仁孝為儀含弘作則劬  
勞豫教既開日以承家鄭重好述俾詒孫而燕子  
璇定玉食寧申愛養之誠齎予鴻名庶備顯揚之  
禮謹告

天地

宗廟

社稷諸王貝勒文武百官共奉冊寶加上

徽號曰

昭聖慈壽恭簡安懿皇太后伏願洪庥滋至眉壽無  
疆合六字之臣民同欣厚載衍萬年之胤祚永介

統禧臣誠懼忭稽首頓首謹言寶文曰

昭聖慈壽恭簡安懿皇太后寶 都察院左都御史

龔鼎孳等言

皇上展謁

山陵孝思篤切臣等何敢瀆陳但頻年水災小醜未  
靖大兵屢勤征討糧餉方急轉輸國計民生各處  
奏報事：仰煩

宸慮臣等愚見望

皇上以

太祖



太宗安定天下心之為心暫輟啟行俟年豐時平修  
恭謁

山陵之禮似為未晚

上曰卿等言是但恭謁

山陵久切朕怀有如以日為歲展期至今難容再緩  
還着遵前旨行 陞通政使李呈祥為兵部督捕  
右侍郎福建左布政使周亮工為都察院左付都  
御史 授授誠官丁國用蕭鳴祚袁一相俱為三  
寺阿達哈、番 諦巴班禪庫土克圖等謝恩具  
表貢方物

庚辰以加上

皇太后徽號禮成諸王文武群臣上表行慶賀禮是  
日頒詔布告天下詔曰在昔成周閨門敦睦治化  
翔洽祈天永命以克昌厥世皆文母之德也朕以  
涼薄纘承

祖宗丕緒統御海內賴我

聖母昭聖慈壽恭簡安懿皇太后思勤訓迪是行十

有一年于茲矣深維風教之源始於宮壺遊求淑

德作配朕躬嘉禮既成

慈徽益著宜晉尊崇弘彰

聖善謹擇順治十一年六月二十一日之吉祇告

天地

太廟

社稷率諸王貝勒文武群臣恭奉冊寶加上

昭聖慈壽恭簡安懿皇太后名壽克全於大德尊親  
覃慶於多方所有恩赦事宜開列于後一和碩親  
王以下俱加恩賜其無俸宗女酌加恩賜一在外  
藩王以下公以上俱加恩賜一在京滿洲蒙古烏  
真超哈異姓公以下七品官以上俱加恩賜一在  
京文武漢官三品以上俱加恩賜一山林隱逸果

有懷才抱德通達治体者皆撫覈實奉荐朕親加  
試用一自順治十一年六月二十一日昧爽以前  
凡官吏兵民人等有犯如謀反叛逆子孫謀殺祖  
父母父母內亂妻妾殺夫告夫奴婢殺家長殺一  
家非死罪三人採生折割人謀殺故殺盡毒魘魅  
毒藥殺人強盜妖言十惡等真正死罪不赦外其  
隱匿滿洲逃人及貪官衙蠹受賍監守自盜領運  
官役侵盜漕糧併順治九年十一月二十三日在  
衡府擊賊有罪諸人尔在不赦其餘罪無大小已  
發覺未發覺已結正未結正咸赦除之有以赦前



事告訐者以其罪之一內外文武官員除大計處分城池失守外有因公事誣誤革職降級罰俸戴罪住俸等項并見在議革議降議罰者各該衙門悉與奏明寬宥一順治六七兩年地畝人丁本折錢糧果係拖欠在民悉與豁免其已徵在官者不得借口民欠侵隱一順治七年分曆日祭祀牛羊藥材本折錢糧其已徵在官者照數起解其拖欠在民者悉行捐免一會典旧制各府州縣俱有預備四倉及義倉社倉等法每處積貯多者萬餘石少者數千石各省倉儲俱數百萬計故民有恃

荒歉無虞今責成各地方該道專管稽察舊積料理新儲應行事宜听呈督撫具奏每年二次造冊報部該部察積谷多寡分別議奏以定該道功罪一大兵經過喂馬地方供草豆運價等項以後俱准作正項銷糧消筭如官胥通用勒指侵冒該督撫即行糾察隱徇者一体重處一滿洲蒙古烏真超哈兵丁酌量給賞一貧民失業流離各地方官有能賑恤全活五百人以上者按實紀錄千人以上者即與題請加級其在鄉宦富民尚義出粟全活貧民百人以上者該地方官覈實具奏分別旌

勸一東南財賦之地素稱沃壤連年水旱為災民生重困皆因失修水利致悞農工該督撫責成地方官悉心講求疏通水道修築堤防以時蓄洩俾水旱無虞民安樂利一頻年治河旋塞旋決夫役埽料民累不堪或有司借端加派或濫用委官侵冒詐索該督撫嚴加清釐禁戢仍須講求長策刻期竣功勿得延緩滋害一近來司府州縣徵收錢糧天平法馬太重多加火耗民受困苦該督撫司道等官炭飭有司務要遵依較定法馬不許私自增加仍不時密察指名奏奏併上司差役催提

橫加需索凌逼下司着炭行禁戢督撫各官不自覺察者一并治罪一各地方徭役繁重有豪紳劣矜衙首積蠹或本身田連陌阡濫免差役包攬他人田地徭丁代為規避徧累窮民莫此為甚該督撫行各地方官秉公嚴察如有此等情弊重加懲處一直隸及各省徵收錢糧俱照萬曆年間則例久已通用如州縣官有將天啟崇禎年間濫加錢糧仍行徵派者該督撫糾叅重處一白糧民解累民官解仍以累民今後於該省漕糧船分帶以甦官民之累應行事宜該督撫作速議奏一漕船缺



額已准勸輕齎銀兩責運官令自備如有重派地  
畝擅挈民船者有司運官俱聽該督撫糾參重處  
一關稅已經定額差出官負不許分外科索擾害  
商民其地方民事一槩不許干預違者并治一錢  
糧私派欺隱苛弊俱由積惡吏書串通衙內主文  
誘官作奸害民蠹國今後該督撫糾參有司錢糧  
款件必將經承吏書奸惡主文列名並劾如款內  
不及吏書主文者該督撫以徇縱論各布政司仍  
將司府州縣一應經承錢糧吏書每年二次造冊  
報部若冊內無名濫管錢糧者許諸人告發司府

州縣一體重治一飢民有願赴遼東就食耕種者  
山海關章京不得攔阻所在章京及府州縣官隨  
民願往處所撥與田地酌給種糧安插撫養毋致  
失所仍將收過人數詳開報部奏聞一兵火之後  
田土荒蕪須令民間尽力開墾不許豪強佔隱使  
窮民失業違者重懲有司不行覈察以溺職論一  
運糧官丁行月糧各地方本折不苛多有偏枯之  
弊着漕督通查確的具奏務期本均平以瞻疲丁  
一順治十一年鄉試順天加舉人十名大省加舉  
人七名中省加舉人五名小省加舉人三名滿洲

烏真超哈各加奉人十名蒙古加奉人五名十二年會試加進士五十名滿洲烏真超哈各加進士十名蒙古加進士五名一鄉試中式武奉大者加六名中者加四名小者加三名會武進士加二十名直隸各省儒生每學俱於廩生外通行考試慎加選擇務取經書策論學問兼優者拔一名充貢送部廷試一國子監生見今坐監者免坐監一個月一滿洲兵丁披甲隨征多年効力被傷不能披甲及年老有疾退後者酌給恩賞一滿洲兵丁各處征剿對陣傷損未經給賞者速給一盞儀衛

旗尉象軍服役有年酌加賞賚一土賊嘯聚或目飢饉所迫或目貪官虐害殊為可憫果能改悔前愆自行投首者悉免其罪有賊地方官民人等厭苦賊患暮義來歸者地方官即行優券務令得所來歸官負奏聞酌用一各省設兵處所錢糧務要以時支放不許有司壓欠本管將領侵剋如有此等情弊該督撫即行糾叅一省衛設兵處所有苛奸民假冒投充濶入營內夥夥告夥証拖累小民甚有借通賊為名抄掠數實尤為大害該固山額真督撫鎮將嚴行約束務絕害端如有隱徇不究



一併從重治罪一設兵原以衛民近來兵之所處  
津害無窮或放馬傷稼砍伐桑棗折毀廬舍甚至  
城市劫掠公為大盜各弁毫無約束故縱分肥大  
干法紀該督撫申飭管兵官務嚴紀律毋得再蹈  
前轍如有這等大害不行糾參事發一并究罪一  
允應追入官錢糧如果家產盡絕該督撫查確題  
請豁免不得株連親族一有司叛逆干連者該督  
撫審明寔係冤枉即為具題釋放一各省有城垣  
傾圮橋梁毀壞地方官能設法修葺不致累民者  
該督撫具題即與叙錄一黃河神金龍四大王運

河神分水龍王應遣官致祭一詔內各款該地方  
各官俱要實心奉行務使恩澤及民方不負朕憫  
念元之至意如沿習旧套徒以虛文塞責該督撫  
不能覈察參奏者部院科道一并究參重處於戲  
協九疇而茂祉萬年膺篤祐之祥聚大順以怡親  
四海需旁流之澤詔告中外咸使聞之 湯古忒  
部落達賴喇嘛謝恩具表貢方物 以追擒叛鎮  
海時行功直加隸河南山東總督馬光輝漕運總  
督沈文奎各一級俱廕一子入監讀書 江南蘓  
州常州松江鎮江等府颺風海溢房屋樹木大半

漂沒傾拔男婦溺死者無筭 和碩鄭親王濟爾  
哈郎等遵會議太師太傅太保少師少傅少保及  
東宮三太三少之職歷代皆用今我  
朝文武大臣亦應照成例加銜從之 六科給事  
中朱徽等奏臣恭讀

聖諭知展謁

稷寢七月奉行今已屆期臣等竊有虞者方今濕氣  
盛行暑雨汎濫盛京迢遠郵亭供頓多有未備雖  
思隆罔極不憚劬勞而  
至尊玉体尤當保護兼之遼陽郡縣初設人民新集

查輿所過兵馬供應措辦為難又四方多事各處  
奏報軍机勢難遙決政務万几深有未便臣等愚  
見謂宜遣大臣恭代以慰

聖懷俟昇平奉行寔為未晚御史潘朝選等亦合疏  
諫止

上曰恭

山陵屢旨已定朱徽等明知佯奏端借此求名好生  
可惡本當議罪念係言官姑從寬免 命陞任沅  
州總兵官粟養志以署都督餘事照舊管南雄付  
將事以平南王尚可喜等疏由故也



癸未

和碩鄭親王濟爾哈郎等議同安侯鄭芝龍請以次子鄭世忠與成功議切手足若今與使臣全到成功處諭以君恩責以父命與言婉導彼必欣然向化應從所請令鄭世忠與使臣偕往可也從之吏部言臣等遵旨確議以後告假各官應作缺仍酌量地方遠近定限除水程外在家許住四個月違限一年之外議處二年之外革職至丁憂起復各官應酌量旧例服滿之後照地方遠近立限赴京違限半年之上議處一年之上議回致仕二

年之上革職為民從之 陞戶部副理事官席喇布為本部理事官 總河揚方與引疾乞休不允

戶部奏國家所賴者賦稅官兵所倚者俸餉關係匪輕今約計北直山東山西河南浙江、南陝西湖廣江西福建廣東十一直省原額銀三千一百六十四萬五千六百六十八兩有奇內除荒亡蠲免銀六百三十九萬四千兩零地方存留銀八百三十七萬一千六百九十六兩零起解各部寺銀二百零七萬六千八十六兩零該臣部項下銀一千四百八十八萬三千八百八十四兩零內撥給

十一年分各省鎮一餉銀一千一百五十一兩八千四百兩零應解臣部銀三百二十八萬五千四百八十兩零又應找撥陝西廣東湖廣等處兵餉餉銀一百八十八萬兩又王公文武滿漢官兵俸餉銀一百九十一萬一千一百兩零計不敷銀四十一萬五千六百兩零此外有鹽課關稅銀共二百七十二萬四千四百兩零又會議裁扣工食等銀二十九萬九千八百兩零除補前項不敷銀數止應剩銀二百六十四萬四千六百兩零又有臨時水旱災傷蠲免及小民拖欠數目不能如額又每遇出征需

用銀米等項及採買物料喂養馬匹料草賞賚等項難以預定雖此外尚有原無定額雜項銀兩為數不多臣等思銀糧乃國家需用兵民命脈所關時不容缺且滿兵全倚月餉度命不知運營拙于謀生又備辦馬匹盔甲器械設無養家之資若難言矣宜預籌恤養之道查布政司衙門有左右二布政使經歷照磨都事理問檢校等官七員一年俸薪經費衙役工食共銀二千八百四十一兩按察司衙門有按察司經歷照磨知事檢校司獄等官六員一年俸薪經費衙役工食共銀一千七百



四十六兩零一府有知府同知府判推官經歷知  
事照磨又教授一員訓導二員共十員一年俸薪  
經費衙役工食共銀二千六百七十兩令一州有  
知州二同州判吏目又有學正一員訓導二員共  
七員一年俸薪經費衙役工食共銀二千一十一  
兩零一縣有知縣二丞典史又有教諭一員訓導  
二員共六員一年俸薪經費衙役工食共銀一千  
八百二十一兩零又各省有兵馬道官共一百四  
十三員一年俸薪經費衙役工食共銀十一萬五  
千一百五十五兩零又中軍守備千已總等官共

共一百七十四員計一年俸廩銀共一萬九千九  
百八十六兩零兵一萬四千九百五十名計開一  
年需用銀糧共二十六萬八千二百五十四兩零  
米三萬五千一百石料一萬九百四十四石除米  
豆小束共該銀四十萬三千三百七十兩零或將  
此中無甚緊要官員并無事地方官兵酌量裁汰  
將所裁錢糧干係要處恭瞻滿洲兵丁似可有裨  
於國計矣得旨這每年出入錢糧數目知道了內  
外不緊要官員着吏部會同九卿詹事科道等官  
確議具奏其地方無事官兵應否量行裁汰着該

皆撫詳察確議具奏

甲辰

補原任山東沂州總兵官張大治為湖廣黃州府副將陞陝西陽平關叅將許占魁為山西平陽營付將山西撫標遊擊彭有焯為浙江湖州府付將江南廬州府叅將萬承選為陝西寧夏花馬池付將宴環球國王舅馬忠毅等於禮部

丁亥

命左春坊左贊善兼內翰林弘文院檢討姜元澂內翰林弘文院編修馬葉曾為江南鄉試主考官



